

LÔ-MÁ JÎN SU (45)

1 Iâ-so· Ki-tok ê lô·pók Pó-lô, siū tiàu choè sù-tô·, hun-piat i lâi thoân Siōng-tè ê hok-im, ²chiū-sī Siōng-tè chiông-chiân thok I chiah ê sian-tī tī sèng-keng só· èng-ún ê, ³lūn I ê Kiáⁿ, chiàu jiók-thé sī tùi Tāi-pit ê hō·-è siⁿ ê, ⁴chiàu sèng-tek ê Sîn chiū tùi sí-lâng ê koh-oáh, ēng koân-lêng hián-bêng I sī Siōng-tè ê Kiáⁿ, ⁵chiū-sī lán ê Chú Iâ-so· Ki-tok: goán tùi I siū un kap sù-tô· ê chit, beh ūi-tiōh I ê miá hō· lāng tī bān pang tiong sîn lâi sūn-thàn; ⁶chiông-tiong iā ū lín chiah-ê siū tiàu siók Iâ-so· Ki-tok ê: ⁷phoe kià hō· kìⁿ-nā toà tī Lô-má, Siōng-tè só· thiàⁿ, siū tiàu choè sèng-tô· ê; goān lín tùi lán ê Pē Siōng-tè kap Chú Iâ-so· Ki-tok tit-tiōh un-tián pêng-an.

⁸Thâu chit hāng, in-ūi lín ê sîn pò-iông tī thong sè-kan, só·-í goá tùi Iâ-so· Ki-tok ūi-tiōh lín cheng lāng kám-siā goá ê Siōng-tè. ⁹In-ūi goá tī I ê Kiáⁿ ê hok-im ēng goá ê sîn só· hók-sāi ê Siōng-tè choè goá ê kan-cheng, goá cháiⁿ-iūⁿ siàu-liām lín bô soah, ¹⁰kí-tó ê tiong-kan siōng-siōng kiū, khoàⁿ chit tiáp ū thang chiàu Siōng-tè ê chí-ì tit-tiōh pīⁿ-tháⁿ ê lô· chiū-kūn lín. ¹¹In-ūi goá him-bō· kìⁿ-tiōh lín, thang chiong sîn-lêng ê un-sù pun hō· lín, hō· lín kian-kò·; ¹²chiū-sī goá tī lín tiong-kan, lín tùi goá ê sîn, goá tùi lín ê sîn, tãi-ke tit-tiōh an-ùi. ¹³Hiaⁿ-tī ah, goá m̄ ài lín m̄ chai goá choē-choē pái lip-chì beh chiū-kūn lín, ài tī lín tiong-kan tit-tiōh ké-chí chhin-chhiūⁿ tī

kí-ū ê goā-pang; chóng-sī kàu taⁿ iáu ū chó·-tòng. ¹⁴Bô lūn Hi-lī-nī lāng á-sī hoan-lāng, chhang-miá ê á-sī gū-gōng ê, goá lóng khiām in ê chè. ¹⁵Só·-í chāi-tī goá lóng piān-piān, beh ēng hok-im soà thoân hō· lín toà tī Lô-má ê lāng. ¹⁶In-ūi goá bô liāh hok-im choè kiàn-siàu, in-ūi sī Siōng-tè ê koân-lêng, beh kiū lóng-chóng sîn ê lāng, tãi-seng Iū-thài, āu-lāi Hi-lī-nī. ¹⁷In-ūi tī hok-im ê lai-bīn ū hián-bêng Siōng-tè ê gī, tùi sîn kàu tī sîn; chiàu sèng-keng só· kì-chài kóng, Gī ê lāng beh tùi sîn lai oáh.

¹⁸In-ūi Siōng-tè ê siū-khi tùi thiⁿ hián-bêng, kàu tī lāng lóng-chóng ê put-khiān put-gī, chiū-sī ēng put-gī ap-chè chin-lí ê lāng ê; ¹⁹in-ūi lūn-kàu Siōng-tè, lāng só· thang bat I ê, ū hián-bêng tī in ê sim-lāi; in-ūi Siōng-tè bat hián-bêng chí-sī in; ²⁰in-ūi tùi chhòng-chō sè-kan í-lai, Siōng-tè éng-oán ê koân-lêng kap sèng-chit, hoān só· boē khoàⁿ-kìⁿ I ê, tùi siū chhòng-chō ê mih, siūⁿ-liáu chiū bêng-bêng khoàⁿ-kìⁿ; hō· in bô lô· thang the-thok. ²¹In-ūi in kì-jiān bat Siōng-tè, nā-sī bô ēng-kng I choè Siōng-tè, iáh bô kám-siā I; chiū-sī in ê su-siūⁿ pīⁿ-choè khang-khang, in ê boē hiáu-ngō· ê sim pīⁿ choè o·-àm; ²²ka-kī chheng choè tì-sek, hoán-túg choè gōng, chiong boē pāi-hoāi ê Siōng-tè ê ēng-kng lai oāⁿ oē pāi-hoāi ê lāng kap khim-siū thāng-thoā chiah ê siōng ê khoán-sit.

²⁴Só·í chiàu in sim-lāi ê su-iók, Siōng-tè kau-hù in tī bô chheng-khì, hō· in ê seng-khu saⁿ lêng-jiók; ²⁵in ēng Siōng-tè ê chin oāⁿ choè ké, kèng-pài hók-sāi siū chō ê mih, khah kè-thâu tī chō mih ê Chú; I sī kham-tit o-ló kàu tãi-tãi ê. À-bēng.

²⁶In-ūi án-ni, Siōng-tè kau-hù in tī kiàn-siàu ê chēng; in ê hū-jîn-lâng ēng sūn-sèng ê lō·-ēng pìⁿ choè gèk-sèng ê lō·-ēng; ²⁷ta-po·-lâng iā án-ni pàng-sák hū-jîn-lâng sūn-sèng ê lō·-ēng, saⁿ ì-ài, iók-hé tōng-sim, ta-po· kap ta-po· kiāⁿ bô chēng-keng ê sū; tī in pún-sin siū in ê chha-biū só· eng-kai tú-tiōh ê pò-èng.

²⁸In kì-jian m̄ khéng chūn Siōng-tè tī in ê sim-su, Siōng-tè kau-hù in tī put-tiōng-iōng ê sim, kiāⁿ m̄ háp-gī ê sū, ²⁹chhiong-moá lóng-chóng ê put-gī, pháiⁿ tãi, tham-sim, ok-tók, moá-moá oàn-tò·, hēng-hiong, saⁿ-chiⁿ, kan-chà, chhàu-sim-hēng, choè kóng ka-chiah-āu oē ê, húi-pòng ê, oàn-hūn Siōng-tè ê, bú-bān ê, kiau-ngō· ê, phín-phóng ê, chō-chok pháiⁿ tãi ê, ngó·-gèk pē-bú ê, ³¹bô bēng-lí ê, bô siú iok ê, bô chhin-lâng-chēng ê, bô lín-bín ê. ³²In kì-jian chai Siōng-tè ê gí-toàn kiāⁿ chiah ê tãi-chì ê lêng eng-kai sí, chiū m̄ nā ka-kī kiāⁿ, koh pát lêng kiāⁿ, in iā kap in hoaⁿ-hí.

2 Só·í kìⁿ-nā gí-toàn lêng ê lêng ah, lí bô thang the-thok; in-ūi lí só· gí-toàn pát lêng ê, tú-tú sī gí-tiāⁿ ka-kī; in-ūi lí teh gí-toàn lêng, ka-kī iā án-ni kiāⁿ. ²Nā-sī lán chai Siōng-tè sī chiàu chin-lí lāi gí-toàn kiāⁿ án-ni ê lêng. ³Lí chit hō lêng ah, lêng kiāⁿ án-ni lí gí-toàn i, iā lí ka-kī khi kiāⁿ; lí phah-sèng oē tò-siám Siōng-tè ê gí-toàn mah? ⁴Á-sī khoàⁿ-khin I kék-toā ê jîn-chū, khoan-iōng, thun-lún, m̄ chai-kioh Siōng-tè ê jîn-chū sī beh chhoā lí hoán-hoé? ⁵kèng-jian chiàu lí ê ngī sim kap m̄ hoán-hoé ê sim, ūi ka-kī chek-chū siū-khì tī siū-khì ê jít,

chiū-sī Siōng-tè gī ê sím-phoàⁿ hián-bēng ê jít; ⁶I beh chiàu ták lêng ê só· kiāⁿ lāi pò-èng i; ⁷kìⁿ-nā mī-noā kiāⁿ hó, kiū êng-kng, chun-kùi kap boē pāi-hoāi ê, chiong éng-oáh pò i; ⁸kìⁿ-nā kiát-tóng, bô thàn chin-lí lāi thàn put-gī ê, chiū ū oàn-hūn kap siū-khì, ⁹hoān-lān kap khùn-khók, kàu tī lóng-chóng kiāⁿ pháiⁿ ê lêng, tãi-seng Iū-thài, āu-lāi Hi-lī-ni; ¹⁰iā êng-kng, chun-kùi, pēng-an kàu tī lóng-chóng kiāⁿ hó ê lêng, tãi-seng Iū-thài, āu-lāi Hi-lī-ni. ¹¹In-ūi Siōng-tè bô chiàu goā-māu chhú lêng. ¹²In-ūi kìⁿ-nā bô lút-hoat lāi hoān-choē ê, iā beh bô lút-hoat lāi tīm-lūn; kìⁿ-nā tī lút-hoat lāi hoān-choē ê, beh tui lút-hoat siū sím-phoàⁿ. ¹³In-ūi tī Siōng-tè ê bīn-chēng, m̄ sī thiaⁿ lút-hoat ê choē gī, chiū-sī kiāⁿ lút-hoat ê beh chheng-choē-gī. ¹⁴In-ūi bô lút-hoat ê goā-pang lêng, tui pún sèng lāi kiāⁿ lút-hoat ê sī, in sui-jian bô lút-hoat, sī ka-kī choē ka-kī ê lút-hoat; ¹⁵sī hián-bēng lút-hoat ê kong-iōng khek tī in ê sim, in ê liōng-sim saⁿ-kap choē kan-chēng, in ê liām-thâu ū-sī saⁿ chek-pī ū-sī saⁿ khoan-sù; ¹⁶tī Siōng-tè ēng Iā-so· Kì-tok sím-phoàⁿ lêng ún-bát ê sū hit jít, chiàu goá ê hok-im só· kóng.

¹⁷lí nā chheng choē Iū-thài lêng, oá-khò lút-hoat, liáh Siōng-tè lāi choē khoa-kháu, ¹⁸í-keng tui lút-hoat lāi hák-síp, chai I ê chí-ì, koh giām-chhut hiah ê chì hó ê, ¹⁹koh chhim sìn ka-kī sī choē chhiⁿ-mī lêng ê chhoā-lō· ê, tiām-tī o·-àm ê ê kng, ²⁰gōng lêng ê sian-siⁿ, gín-ná ê kàu-síp, tī lút-hoat lāi ū tì-sek kap chin-lí ê bô·iūⁿ; ²¹lí kà-sī pát lêng, iā bô kà-sī ka-kī ah? lí soan-thoan kóng m̄ thang thau-théh, iā ka-kī thau-théh ah? ²²Lí kóng m̄ thang kiāⁿ-im, iā ka-kī kan-im ah? lí iām-òⁿ ngó·-siōng, iā ka-kī chhiúⁿ keng-biō ah? ²³lí liáh lút-hoat choē khoa-kháu, chiū tui hoān-tiōh

lút-hoat lêng-jiók Siōng-tè ah? ²⁴In-ūi Siōng-tè ê miâ ūi-tiòh lín siū pòng-tók tī goā-pang tiong, chiàu só· kì-chài ê. ²⁵Lí nā kiāⁿ lút-hoat, kat-lé chiū ū lī-ek; lí nā hoān-tiòh lút-hoat, chiū lí ê kat-lé pìⁿ choè bô kat-lé. ²⁶Só· í bô siū kat-lé ê nā siū lút-hoat ê kui-lē, i ê bô kat-lé kiám bô beh sng-choè kst-lé mah? ²⁷Koh seng-sêng bô kat-lé lâi chīn lút-hoat ê, kiám bô beh gí-toàn lí tui bún-jī kap kat-lé lâi hoān hoat mah? ²⁸In-ūi goā-phê choè Iū-thài lāng ê m̄ sī Iū-thài lāng; tī jiók-thé goā-phê ê kat-lé m̄ sī kat-lé. ²⁹Tók-tók lâi-bīn choè Iū-thài lāng ê chiaⁿ sī Iū-thài lāng, iā sim-lāi ê kat-lé chiaⁿ sī kat-lé, chāi-tī sīn, put-chāi tī bún-jī; i ê tit-tiòh o-ló m̄ sī tui lāng, chiū-sī tui Siōng-tè.

3 Án-ni chiū Iū-thài lāng ū sīm-mih kiàn-tiōng? kat-lé ū sīm-mih lī-ek ah? ²Bô lūn khoàⁿ tá-lòh chit bīn, lóng toā-toā ū lī-ek; tē it sī Siōng-tè ê chiàu ū kau-thok in. ³Siat-sú ū-ê bô sīn, chiū cháiⁿ-iūⁿ? in ê bô sīn beh hoè bô Siōng-tè ê sīn-sít mah? ⁴Toàn-toàn m̄ sī; tiòh jīn Siōng-tè choè chin-sít, lāng lóng choè pēh-chhát; chiàu só· kì-chài kóng, “Hō· lí tī lí só· kóng ê chheng-choè-gī, Tī siū sīm-phoàⁿ ê sī, tit-tiòh khah-iāⁿ.”

⁵Goá taⁿ thàn lāng ê khoán lâi kóng: Lán ê put-gī nā hián-bêng Siōng-tè ê gī, lán beh cháiⁿ-iūⁿ kóng? Siōng-tè kàng-lòh siū-khì, I iā put-gī mah? ⁶Toàn-toàn m̄ sī; nā án-ni, Siōng-tè thái-thó oē sīm-phoàⁿ sè-kan ah? ⁷Nā goá ê pēh-chhát it-hoat hián-bêng Siōng-tè ê chin-sít, hō· I ná êng-kng, chiū goá cháiⁿ-iūⁿ iū-goân siū sīm-phoàⁿ, chhin-chhiūⁿ choè jīn ah? ⁸Iā siáⁿ-sū bô kóng, Lán lâi khi choè pháiⁿ, hō· hó sū oē chiāⁿ? che sī chhin-chhiūⁿ goán só· siū ê húi-pòng, iā chhin-chhiūⁿ lāng kóng goán ū án-ni teh kóng: hit hō lāng siū

tēng-choē sī kong-tō.

⁹Che sī cháiⁿ-iūⁿ? Lán ū khah-su mah? Lóng bô. In-ūi goán í-keng chheng-bêng Iū-thài Hi-lī-ni lóng ū choē; ¹⁰chiàu só· kì-chài kóng, “Lóng bô gī lāng, lián chit-ê iā bô; ¹¹Bô lāng hiáu-ngō·, bô lāng chhē Siōng-tè; ¹²Lóng-chóng oai-chhoah, saⁿ-tāng pìⁿ choè bô lī-ek; Bô ū kiāⁿ hó ê, lián poàⁿ-ê iā bô; ¹³In ê nā-âu sī phoà bōng; In ēng chih kóng kan-chà; In ê chhui-tūn ē ū choā ê tók; ¹⁴In ê chhui moá-moá chiū-chó· iā chin khó·; ¹⁵In ê kha kín-kín cháu ài hō· lāng lâu huìh, ¹⁶Tī in ê lō· ū chân-hāi kap khó·-lān; ¹⁷Pēng-an ê lō· in m̄ bat, ¹⁸In ê bák-chiu chheng bô ū kiaⁿ-ui Siōng-tè.”

¹⁹Taⁿ lán chai kīⁿ-nā lút-hoat só· kóng ê sī tui lút-hoat ē ê lāng lâi kóng, beh that-bát chheng lāng ê chhui, hō· thong sè-kan tī Siōng-tè ê bīn-chheng siū gí-choē; ²⁰in-ūi tui thàn lút-hoat bô lāng oē tit chheng-choè-gī tī Siōng-tè ê bīn-chheng; in-ūi tui lút-hoat sī hō· lāng chai ū choē. ²¹Taⁿ tī lút-hoat í-goā ū Siōng-tè ê gī í-keng hián-bêng, lút-hoat kap sian-ti ká i choè kan-chheng; ²²chiū-sī Siōng-tè ê gī, tui sīn Iā-so· Kì-tok kàu tī lóng-chóng sīn ê lāng; in-ūi lóng bô chheng-chha; ²³in-ūi chheng lāng í-keng hoān-choē, Siōng-tè ê êng-kng tit bô tiòh; ²⁴taⁿ ūi-tiòh I ê un-tián pēh-pēh tit-tiòh chheng-choè-gī, tui-tī Kì-tok Iā-so· ê siók-hoē; ²⁵chiū-sī Siōng-tè só· hián-jian siat-lip choè bán-hoē ê chē ê, tui sīn, chāi-tī I ê huìh, beh hián-bêng I ka-kī ê gī, in-ūi Siōng-tè ū khoan-iōng, bô kui-kiū chheng tãi ê choē; ²⁶tī hián-kim ê sī-tāi ài hián-bêng I ê gī, hō· I pún-sin choè gī, koh chheng hit ê sīn Iā-so· ê lāng choè gī.

²⁷Án-ni-siⁿ tī tá-lòh thang khoa-kháu? Choân-jian bô lah. Tui sīm-mih hoat hō· i

bô? tùi kiâⁿ ê hoat mah? M̄ sī, sī tùi sìn ê hoat. ²⁸Só·í goán gī-tiāⁿ lāng chheng-choè-gī sī tùi sìn, m̄ sī tùi thàn lùt-hoat. ²⁹Á-sī Siōng-tè tók-tók sī Iû-thài lāng ê Siōng-tè mah? Kiám iā m̄ sī goā-pang lāng ê Siōng-tè mah? Sī, iā sī goā-pang lāng ê; ³⁰in-ūi Siōng-tè sī chit-ê, I beh ēng sìn chheng siū kat-lé ê lāng choè gī, iā beh tùi chit ê sìn chheng bô siū kat-lé ê lāng choè gī. ³¹Án-ni chiū lán tùi sìn hoè-bô lùt-hoat mah? Toàn-toàn m̄ sī; hoán-tng sī hō· lùt-hoat khiā-chāi.

4 Án-ni lán beh kóng lán jiók-thé ê chók A-pek-láh-hán ū tit-tiòh sím-mih? ²In-ūi A-pek-láh-hán nā tùi só· kiâⁿ tit-tiòh chheng-choè-gī, chiū thang khoa-kháu; chóng-sī tùi Siōng-tè pún sī bô. ³In-ūi sèng-keng kóng sím-mih? A-pek-láh-hán sìn Siōng-tè, chiū ká i sng choè gī. ⁴Taⁿ kìn-nā choè kang ê, i ê kang-chiⁿ bô sng sī un-tián, sng sī eng-kai ê. ⁵Nā-sī bô choè kang ê, tók-tók sìn hit ê chheng put-khiān ê lāng choè gī ê, i ê sìn chiū ká i sng choè gī. ⁶Chhin-chhiūⁿ Tāi-pit iā kóng-khí lāng lóng bô só· kiâⁿ, lâi tit-tiòh Siōng-tè sng i choè gī ê, ū hok-khì, sī kóng, ⁷In ê put-hoat tit-tiòh sià-bián, In ê choè-ok tit-tiòh jia-khām, hit hō lāng ū hok-khì; ⁸Chú bô beh ēng choè sng i ê siàu ê, hit ê lāng ū hok-khì.

⁹Taⁿ chit ê hok-khì sī kàu tī siū kat-lé ê, á-sī iā kàu tī bô siū kat-lé ê ah? in-ūi lán teh kóng, A-pek-láh-hán ê sìn sī ká i sng choè gī. ¹⁰Án-ni sī cháiⁿ-iūⁿ sng? Sī tī kat-lé ê sī, á-sī tī bô kat-lé ê sī? M̄ sī tī kat-lé ê sī, sī tī bô kat-lé ê sī; i iā tit-tiòh kat-lé ê kî-hō, chiū-sī tī bô siū kat-lé ê sī tùi sìn só· ū ê gī ê ìn-sìn; hō· i thang choè lóng-chóng bô siū kat-lé lâi sìn ê lāng ê pē, hō· gī thang sng choè in ê; ¹²iā hō· i choè siū kat-lé ê lāng ê pē, chiū-sī

hiah ê m̄ nā siū kat-lé, koh ū thàn lán ê pē A-pek-láh-hán bē siū kat-lé ê sī lâi sìn ê kha-pō· ê. ¹³In-ūi só· èng-ún A-pek-láh-hán kap i ê hō·-è choè hō·-sū sèng-chiap sè-kan ê, m̄ sī tùi lùt-hoat, sī tùi sìn ê gī. ¹⁴In-ūi nā siók lùt-hoat ê choè hō·-sū, sìn chiū kui tī khang-khang, èng-ún iā hoè-bô. ¹⁵In-ūi lùt-hoat sī tì-kàu siū-khì; nā bô lùt-hoat, chiū bô hoān-tiòh. ¹⁶Só·í sī tùi sìn, thang chiàu un-tián, beh hō· èng-ún kian-kò· tī cheng hō·-è, m̄ nā tī hit ê siók lùt-hoat ê, iā tī siók A-pek-láh-hán ê sìn ê, ¹⁷i tī i só· sìn ê Siōng-tè ê bìn-cheng choè lán cheng lāng ê pē, chiū-sī hit ê hō· sí lāng koh-oáh, kiò hiah ê bô-ê ná chhin-chhiūⁿ ū-ê ê Siōng-tè; chiàu só· kî-chài kóng, Goá siat-lip lí choè choè-choè pang-kok ê pē. ¹⁸I tī bô thang òng-bāng ê tiong-kan, tùi òng-bāng lâi sìn, hō· i thang chiāⁿ-choè choè-choè pang-kok ê pē, chiàu só· bat kóng ê, Lí ê hō·-è beh chhin-chhiūⁿ án-ni. ¹⁹I siūⁿ-tiòh ka-kī ê seng-khu chhin-chhiūⁿ í-keng sí, (hit sī chiāⁿ pah hē), koh Sat-láh ê thai-m̄ í-keng choát, i ê sìn bô nng-chiáⁿ; ²⁰i khoàⁿ Siōng-tè ê èng-ún, iā bô tùi m̄ sìn lâi giâu-gi; ²¹sìn chiū ná íong-kiāⁿ, lâi kui èng-kng Siōng-tè; ²²koh chhim sìn Siōng-tè oē chiāⁿ I só· èng-ún ê; só·í ká i sng choè gī. ²³Taⁿ só· kóng, ká i sng, chit kù m̄ sī kan-ta ūi-tiòh i lâi siá, iā sī ūi-tiòh lán; ²⁴lán nā sìn-khò hit ê hō· lán ê Chú Iâ-so· tùi sí-lāng tiong koh-oáh ê Siōng-tè, iā beh ká lán sng choè gī. ²⁵Iâ-so· bat ūi-tiòh lán ê choè siū kè-sàng, koh ūi-tiòh lán ê chheng-choè-gī lâi tit-tiòh koh-oáh.

5 Só·í lán í-keng tùi sìn chheng-choè-gī, chiū tùi lán ê Chú Iâ-so· Ki-tok ū kap Siōng-tè hô; ²iā óa-khò I, tùi sìn lâi jlp tī hiān-kim só· toà ê un-tián, koh òng-bāng Siōng-tè ê èng-kng lâi hoaⁿ-hoaⁿ hí-hí. ³M̄ nā án-ni, chiū tī hoān-

lân iā hoaⁿ-hoaⁿ hí-hí, in-ũi chai hoān-lân siⁿ-chhut thun-lún; thun-lún siⁿ-chhut láu-liān; láu-lān siⁿ-chhut òng-bāng; iā òng-bāng bô tì-kàu kiàn-siàu; ⁵in-ũi Siōng-tè ê thiàⁿ tui só·siuⁿ-sù lán ê Seng Sín lāi koān-ak lán ê sim. ⁶In-ũi lán iáu-kú loán-jiók ê sī, Ki-tok kàu-kī thoè ũ choē ê lāng sí. ⁷In-ũi thoè gī-lāng sí ê, oh-tit ũ; thoè hó-lāng sí ê, kiám-chhái ũ lāng káⁿ. ⁸Nā-sī Siōng-tè hián-bēng I pún-sin thiàⁿ lán ê thiàⁿ-thàng, in-ũi lán iáu-kú choē choē-jîn ê sī, Ki-tok thoè lán sí; ⁹hō-hòng lán í-keng tī I ê huìh tit-tiòh chheng-choē-gī beh tui I tit-tiòh kiù, bián tit hit ê siū-khì ah. ¹⁰Nā lán iáu-kú choē tui-ték ê sī, tui I ê Kiáⁿ ê sí tit-tiòh kap Siōng-tè koh hô, hô-hòng í-keng koh hô, beh tī I ê oáh tit-tiòh kiù ah. ¹¹M̄ nā án-ni, lán hián-kim í-keng tui lán ê Chú Iā-so· Ki-tok tit-tiòh koh hô, chiū tui I iā liáh Siōng-tè choē thang khoa-kháu.

¹²Só·í chhin-chhiūⁿ choē tui chít lāng jlp sè-kan, sí iā tui choē jlp, án-ni sí piàn-piàn kàu tī cheng lāng, in-ũi cheng lāng bat hoān-choē; ¹³in-ũi lút-hoat bē kàu ê sī, choē í-keng tī sè-kan; tók-tók bô lút-phoat tī-teh, choē chiū bô sng-siàu; ¹⁴chóng-sī tui A-tong kàu Mô-se, lian hiah ê bô hoān-choē chhin-chhiūⁿ A-tong hoān-tiòh kìm-lēng ê khoán ê, sí iā lóng khoán-hat in; A-tong sī tē-āu kàu ê ê saⁿ-tui. ¹⁵Nā-sī choē-koà put-pí un-sù. In-ũi nā tui chít lāng ê choē-koà cheng lāng sí, hô-hòng Siōng-tè ê un-tián, kap tī Iā-so· Ki-tok chít lāng un-tián tiong ê siúⁿ-sù, chhiong-moá tī cheng lāng ah. ¹⁶Koh tui chít lāng ê hoān-choē, iā put-pí un-sù; in-ũi sím-phoàⁿ sī tui chít lāng, tì-kàu tēng choē, nā-sī un-sù sī tui choē-choē chē-koà, tì-kàu toàn choē gī. ¹⁷In-ũi nā ũi-tiòh chít lāng ê choē-koà, sí chiū tui chít lāng choē ông, hô-hòng hiah ê siū un-

tián kap gī ê siúⁿ-sù ê chhiong-moá ê, beh tui Iā-so· Ki-tok chít-ê, tī oáh ê tiong-kan, choē ông ah. ¹⁸Án-ni chhin-chhiūⁿ tui chít pái ê choē-koà ũ tì-kàu cheng lāng siū tēng choē, chiū tui chít pái gī ê só· kiāⁿ iā tì-kàu cheng lāng siū gí-toàn tit-tiòh oáh. ¹⁹In-ũi chhin-chhiūⁿ tui chít lāng ê ũi-kéh hō· cheng lāng choē ũ choē ê, chiū tui chít lāng ê sūn-thàn hō· cheng lāng choē ũ gī ê, iā sī án-ni. ²⁰Koh ke-chham lút-hoat lóh-khì, beh hō· choē-koà ke-thiⁿ choē-choē. Chóng-sī choē-koà choē-choē, chiū un-tián tī hia it-hoat chhiong-moá; ²¹chiū-sī chhin-chhiūⁿ choē bat choē ông tī sí ê tiong-kan, iā beh hō· un-tián chhin-chhiūⁿ án-ni tui gī lāi choē ông tì-kàu éng-oáh, sī tui lán ê Chú Iā-so· Ki-tok.

6 Án-ni lán beh cháiⁿ-iūⁿ kóng? Chóng bô tng-tng tiām-tī choē-ok, hō· un-tián ke-thiⁿ choē-choē mah? ²Toàn-toàn m̄ thang. Lán òng choē hit bñ í-keng sí ê, kiám beh iū-goân tī choē-tiong lāi oáh mah? ³Kiám m̄ chai lán kìⁿ-nā bat siū soé-lé lāi jlp tī Ki-tok Iā-so· ê, sī siū soé-lé lāi jlp I ê sí. ⁴Só·í lán kì-jiân tui soé-lé lāi jlp tī sí, kap I tâng bái-chòng; sī chhin-chhiūⁿ Ki-tok tui Pē ê èng-kng tui sí-lāng tiong koh-oáh, iā beh hō· lán án-ni kiāⁿ tī oáh-miā ê sin khoán. ⁵In-ũi lán nā lian-háp tī I sí ê khoán-sit, iā beh lian-háp tī I koh-oáh ê khoán-sit; ⁶sī chai lán kū ê lāng kap I tâng tēng, hō· choē ê thé oē hoē-khì, tì-kàu lán bô koh choē choē-ok ê lô·chài. ⁷In-ũi í-keng sí ê sī tit-tiòh chheng-choē-gī, lāi thoat-lī choē. ⁸Taⁿ lán sìn nā kap Ki-tok tâng sí, chiū beh kap I tâng oáh; ⁹chai Ki-tok í-keng tui sí-lāng tiong koh-oáh bô koh sí, sí bô koh khoán-hat I. ¹⁰In-ũi I ê sí sī òng choē choē chít pái sí, I ê oáh sī òng Siōng-tè lāi oáh. ¹¹Án-ni lín tiām-tī Ki-tok Iā-so· tiòh khoàⁿ ka-kī òng choē sī sí,

ng Siōng-tè sī oáh.

¹²Só-í bôh-tit iông-ún choē-ok choē ông tī lín oē sí ê seng-khu, tì-kàu lín sūn-thàn i ê su-iók; ¹³iā bôh-tit chiong lín ê pah-thé hiàn hō· choē-ok choē put-gī ê khi-kū; sī tióh chiong pún-sin hiàn hō· Siōng-tè, chhin-chhiūⁿ tùi sí-lâng tiong lâi oáh ê, iā hiàn lín ê pah-thé hō· Siōng-tè, choē gī ê khi-kū. ¹⁴In-ūi choē-ok bô koh koán-hat lín, in-ūi lín m̄ sī tī lút-hoat ē, sī tī un-tián ē.

¹⁵Án-ni chiū cháiⁿ-iūⁿ? Lán kì-jiân m̄ sī tī lút-hoat ē, sī un-tián ē, thang hoān-choē mah? Toàn-toàn m̄ thang. ¹⁶Kiám m̄ chai lín hiàn pún-sin choē lô·pók lâi sūn-thàn i, chiū-sī choē só· sūn-thàn ê ê lô·pók, hék-sī choē choē-ok ê lô·pók tì-kàu sí, á-sī choē sūn-thàn ê lô·pók tì-kàu gī? ¹⁷Kám-siā Siōng-tè in-ūi lín chêng choē choē-ok ê lô·pók, taⁿ bat kam-sim sūn-thàn lín só· jlp hit ê kàu-hùn ê kui-bô; ¹⁸í-keng tit-tiòh tháu-pàng thoat-lī choē, chiū choē gī ê lô·pók. ¹⁹Goá in-ūi lín jiók-thé ê láon-jiók, chiū chiàu lêng ê sū lâi kóng; in-ūi chhin-chhiūⁿ lín bat ēng lín ê pah-thé hiàn hō· ù-oē put-hoat choē lô·pók, tì-kàu put-hoat, taⁿ tióh chiàu án-ni ēng lín ê pah-thé hiàn hō· gī choē lô·pók, tì-kàu chiāⁿ sèng. ²⁰In-ūi lín chêng choē choē-ok ê lô·pók, hit sī lín bô hō· gī koán-hat. ²¹Tng hit sī lín tit-tiòh sím-mih ké-chí tī hāin-kim só· kiàn-siáu ê ah? in-ūi in ê kiát-kiók sī sí. ²²Taⁿ lín í-keng tit-tiòh tháu-phàng thoat-lī choē-ok, lâi choē Siōng-tè ê lô·pók, tit-tiòh ké-chí tì-kàu chiāⁿ-sèng, hit ê kiát-kiók sī éng-oáh. ²³In-ūi choē-ok ê kang-chiⁿ sī sí, nā-sī Siōng-tè ê un-sù sī éng-oáh, chāi-tī lán ê Chú Ki-tok Iâ-so·.

7 Hiaⁿ-tī ah, (goá taⁿ sī kap bat lút-hoat ê teh kóng,) lín kiám m̄ chai lút-hoat koán lêng

kàu i chít-sì-lâng mah? ²In-ūi ū tiōng-hu ê hū-jîn-lâng, tiōng-hu oáh-teh ê sí, i chiū hō· lút-hoat só· pák lâi tē i ê tiōng-hu; tiōng-hu nā sí, chiū thoat-lī tiōng-hu ê lút-hoat. ³Só-í tiōng-hu tī-teh, nā tē pát lêng, chiū kiò i choē im-hū; tiōng-hu nā sí, chiū tit-tiòh tháu-pàng thoat-lī lút-hoat; sui-jiân tē pát lêng, iā m̄ sī im-hū. ⁴Án-ni goá ê hiaⁿ-tī ah, lín tùi Ki-tok ê seng-khu, ng lút-hoat í-keng sí, beh hō· lín tē pát-ê, chiū-sī hit ê tùi sí koh-oáh ê, hō· lán ūi-tiòh Siōng-tè kiát ké-chí. ⁵In-ūi lán tiām-tī jiók-thé ê sí, hiah ê choē-ok ê chêng-iók, tùi lút-hoat kek-khi^h ê, ūn-tōng tī lán ê pah-thé, tì-kàu lán ūi-tiòh sí kiát ké-chí. ⁶Nā-sī hiān-kim lán ū thoat-lī lút-hoat, sī pêng-sò· pé-pák lán ê, lán í-keng ng i lâi sí, tì-kàu lán ê hók-sāi sī tī sim-sin ê sin khoán, m̄ sī tī bûn-jī ê kū khoán.

⁷Án-ni lán beh cháiⁿ-iūⁿ kóng? Lút-hoat sī choē-ok mah? Toàn-toàn m̄ sī; chóng-sī nā bô tùi lút-hoat, goá chiū m̄ chai choē: in-ūi lút-hoat nā bô kóng, M̄ thang tham-iók, goá chiū m̄ chai tham-iók; ⁸nā-sī choē-ok sēng ki-hoē, tùi kài-bēng choē-chiāⁿ ták iūⁿ ê tham-iók tī goá ê sim; in-ūi bô lút-hoat, choē-ok sī sí. ⁹Chêng bô lút-hoat, goá chiū oáh; kài-bēng kàu, choē-ok oáh-khi^h-lâi, goá chiū sí. ¹⁰Kài-bēng pún sī beh hō· lêng oáh, chiàu goá kìⁿ-kè hoán-túg sī hō· lêng sí. ¹¹In-ūi choē-ok sēng ki-hoē, tùi kài-bēng khi-phiàn goá, koh tùi i lâi hāi-sí goá. ¹²Án-ni-siⁿ lút-hoat sī sèng, kài-bēng iā sī sèng, sī gī, sī hó. ¹³Nā-sí-ni hit ê hó-ê sī hō· goá sí mah? Toàn-toàn m̄ sī. Sī choē-ok tùi hit ê hó-ê hō· goá sí, beh hián-chhut i sī choē-ok; hō· choē-ok tùi kài-bēng chiāⁿ choē choē-ok ê kék-thâu. ¹⁴In-ūi lán chai lút-hoat sī siók tī sin ê, nā-sī goá sī siók tī jiók-thé ê, í-keng boē-khi hō· choē-ok.

¹⁵In-ũi goá só· choè ê ka-kī m̄ chai; in-ũi goá só· teh kiāⁿ ê, m̄ sī goá só· ì-ài; hoán-túg goá só· oàn ê, goá khi kiāⁿ i. ¹⁶Taⁿ goá nā kiāⁿ só· m̄ ài ê, goá chiū-sī sêng-jīn lút-hoat choè hó. ¹⁷Án-ni kiāⁿ i ê, taⁿ m̄ sī goá, sī tiàm-tī goá sim-lāi ê choē-ok. ¹⁸In-ũi goá chai goá lāi-bīn, chiū-sī goá jiók-thé lāi, bô hó tī-teh; in-ũi lūn hit ê ì-ài, goá chiū ū, kiāⁿ hit ê hó, goá chiū bô. ¹⁹In-ũi goá só· ì-ài ê hó, goá bô khi kiāⁿ; goá só· m̄ ài ê pháiⁿ, hoán-túg khi kiāⁿ. ²⁰Tók-tók goá nā kiāⁿ goá só· m̄ ài ê, hit ê teh kiāⁿ ê, taⁿ m̄ sī goá, sī tiàm-tī goá lāi-bīn ê choē-ok. ²¹Án-ni goá tit-chai ū chit ê hoat, chiū-sī tng goá ài kiāⁿ hó ê sī, pháiⁿ kap goá tī-teh. ²²In-ũi goá chiàu lāi-sim sī hoaⁿ-hí Siōng-tè ê lút-hoat. ²³Nā-sī goá khoàⁿ pah-thé tiong ū pát ê hoat kap goá sim-chì ê hoat saⁿ kau-chiàn, liáh goá lāi hâng-hók pah-thé lāi choē-ok ê hoat. ²⁴Khó· ah? goá ê choè lāng! chī-chūi beh kiù goá thoat-chhut chit ê tì-kàu sí ê thé ah? ²⁵Kám-siā Siōng-tè sī tui lán ê Chú Iâ-so· Ki-tok. Án-ni goá pún-sin ēng sim-chì sūn-hók Siōng-tè ê hoat, ēng jiók-thé sūn-hók choē-ok ê hoat.

8 Só·í hiah ê tiàm-tī Ki-tok Iâ-so· ê, taⁿ lóng bô tēng choē. ²In-ũi oáh-miā ê Sîn ê hoat, tī Ki-tok Iâ-so· í-keng tháu-pàng goá thoat-lī choē kap sí ê hoat. ³In-ũi lút-hoat só· boē-oē ê, sī tui jiók-thé chia h bô lát, Siōng-tè chiū chhe ka-kī ê Kiáⁿ, tī ū choē ê jiók-thé ê hêng-chōng, koh ūi-tiōh choē ê iân-kò, tī jiók-thé tiong lāi gí-tiāⁿ choē-ok; ⁴hō· lút-hoat ê gī tī lán oē tit moá-chiok, chiū-sī bô chiàu jiók-thé, sī chiàu sîn lāi kiāⁿ ê. ⁵In-ũi chiàu jiók-thé ê, ì-hiòng jiók-thé ê sū; chiàu sîn ê, ì-hiòng sîn ê sū. ⁶In-ũi jiók-thé ê ì-hiòng sī sí; sîn ê ì-hiòng sī oáh koh pêng-an. ⁷In-ũi jiók-thé ê ì-hiòng sī tui-tèk Siōng-tè, in-ũi

i bô hâng-hók Siōng-tè ê lút-hoat, iā boē-oē hâng-hók. ⁸Koh tiàm-tī jiók-thé ê, boē-oē hō· Siōng-tè hoaⁿ-hí. ⁹Tók-tók Siōng-tè ê Sîn nā khiā-khí tī lín, chiū lín bô tiàm-tī jiók-thé, sī tiàm-tī sîn; bô ū Ki-tok ê Sîn ê, m̄ sī I ê lāng. ¹⁰Ki-tok nā tiàm-tī lín, chiū lín ê sêng-khu in-ũi choē sí, sîn in-ũi gī oáh. ¹¹Tók-tók hō· Iâ-so· tui sí-lāng tiong koh-oáh ê, I ê Sîn nā khiā-khí tī lín, chiū hō· Ki-tok Iâ-so· tui sí-lāng tiong koh-oáh ê, iā beh chiong I ê Sîn, chiū-sī khiā-khí tī lín ê, hō· lín oē sí ê sêng-khu koh-oáh.

¹²Án-ni hiaⁿ-tī ah, lán m̄ sī khiàm jiók-thé ê chè, tì-kàu chiàu jiók-thé lāi oáh. ¹³In-ũi lín nā chiàu jiók-thé lāi oáh, chiū oē sí; nā ēng sîn phah-sí sêng-khu ê só· choè, chiū oē oáh. ¹⁴Hoān-nā hō· Siōng-tè ê Sîn só· chhoā ê, sī choè Siōng-tè ê kiáⁿ. ¹⁵In-ũi lín m̄ sī siū-tiōh lô·pók ê sîn, tì-kàu koh kiaⁿ-hiāⁿ; chiū-sī siū-tiōh siat-lip choè kiáⁿ ê sîn, tui án-ni lán kiò kóng, Á-pà, Pē ah. ¹⁶Sêng Sîn ka-kī kap lán ê sîn saⁿ-kap kan-chèng lán choè Siōng-tè ê kiáⁿ. ¹⁷Kì-jian choè kiáⁿ chiū choè hō·sū, chiū-sī choè Siōng-tè ê hō·sū, kap Ki-tok tâng choè hō·sū; lán nā kap I tâng siū khó·, sī beh hō· lán kap I tâng ēng-kng.

¹⁸In-ũi goá sng hiān-sī ê kan-khó· boē kham-tit pí-phēng só· beh hián-bēng kàu tī lán ê ēng-kng. ¹⁹In-ũi siū-chō ê mih kiáh thau òng-bāng, teh theng-hāu Siōng-tè cheng kiáⁿ ê hián-bēng. ²⁰In-ũi siū-chō ê mih hâng-hók tī khang-hu, m̄ sī i kam-goān, chiū-sī tui hit ê hō· i hâng-hók ê; ²¹sī teh òng-bāng lian siū-chō ê mih iā beh tit-tiōh tháu-pàng, thoat-lī pāi-hoāi ê khu-sok, lāi jip tī Siōng-tè ê kiáⁿ-jī ēng-kng ê chū-iū. ²²In-ũi lán chai it-chhè siū-chō ê mih kàu chit sī iáu teh saⁿ-kap thó·-khui khó·-thàng. ²³M̄ nā án-ni, chiū lán pún-sin tit-tiōh

Sèng Sîn thâu-chúi ê ké-chí ê, iā sim-lâi ka-kī thó·khùi, teh thèng-hāu siat-líp choè kiáⁿ, chiū-sī lán ê seng-khu ê siók-hoê. ²⁴In-ūi lán tit kiù sī tùi òng-bāng; nā-sī í-keng khoàⁿ-kìⁿ ê òng-bāng, m̄ sī òng-bāng; in-ūi só· khoàⁿ-kìⁿ ê, sím-mih lāng teh òng-bāng i? ²⁵Tók-tók lán nā òng-bāng hit ê só· bô khoàⁿ-kìⁿ ê, lán chiū thun-lún thèng-hāu.

²⁶Koh Sèng Sîn iā chhin-chhiūⁿ án-ni hū-chhi lán ê nūg-chiáⁿ; in-ūi lán m̄ chai-iaⁿ tiòh cháⁿ-iūⁿ kī-tó chiàu só· eng-kai ê; tók-tók Sèng Sîn ka-kī ēng boē kóng-chhut ê thó·khùi thoè lán kiū. ²⁷Kàm-chhat lāng ê sim ê iā chai Sèng Sîn ê ì-sù, in-ūi I chiàu Siōng-tè ê ì-sù lâi thoè sèng-tô· kiū. ²⁸Koh lán chai bān hāng sū saⁿ-kap lâi hō· thiàⁿ Siōng-tè ê lāng tit-tiòh lī-ek, chiū-sī chiàu I tiāⁿ-tiòh ê chí-ì lâi siū tiàu ê. ²⁹In-ūi I só· tãi-seng chai ê, chiū tãi-seng tiāⁿ-tiòh in kap I ê Kiáⁿ ê siōng tâng khoán, hō· I tī choē-choē hiaⁿ-tī ê tiong-kan choè toā kiáⁿ. ³⁰Koh só· tãi-seng tiāⁿ-tiòh ê, chiū tiàu in; só· tiàu ê, chiū chheng in choè gī; só· chheng-choè-gī ê, chiū hō· in ū ēng-kng.

³¹Lūn-kàu chiah ê sū lán beh cháⁿ-iūⁿ kóng? Siōng-tè nā ūi lán, chī-chui oē tui-ték lán? ³²I kì-jian bô sioh ka-kī ê Kiáⁿ, ūi-tiòh lán cheng lāng hiàn I, kám bô soà chiong bān mih pèh-pèh hō· lán mah? ³³Chī-chui beh kò Siōng-tè só· keng ê peh-siⁿ ah? Chheng in choè gī ê sī Siōng-tè; ³⁴chī-chui tēng in ê choē ah? Ki-tok Iā-so· í-keng sí, siōng-chhiáⁿ tui sí-lāng tiong koh khí-lâi, chē tī Siōng-tè ê toā pēng, iā thoè lán kī-tó. ³⁵Chī-chui beh keh-tng lán tī Ki-tok ê thiàⁿ? Hék-sī hoān-lān, hék-sī khùn-khó·, hék-sī khún-tiòk, hék-sī iau-gò, hék-sī thng-theh, hék-sī gūi-hiám, hék-sī lai-to ah? ³⁶Chhin-chhiūⁿ só· kì-chài, kóng, “Goán ūi-tiòh lí ê iân-kò· chiong jít siū

sí, Khoàⁿ choè chhin-chhiūⁿ beh thài ê iūⁿ.”

³⁷Hoán-túg tī chiah ê lóng-chóng ê sū, lán tui thiàⁿ lán ê, tek-sèng kàu ū chhun. ³⁸In-ūi goá chhim sìn bô lūn sī sí, sī oáh, sī thiⁿ-sài, sī chiáng-koân ê, sī hiān-kim ê, sī chiong-lâi ê, ū koân-lêng ê, sī koàiⁿ, sī chhim, á-sī pát ê siū-chō ê mih, lóng boē-oē keh-tng lán tī Siōng-tè ê thiàⁿ, chiū-sī tī lán ê Chú Ki-tok Iā-so· só· ū ê thiàⁿ.

9 Goá tiām-tī Ki-tok kóng oē chin-sit bô pèh-chhat, goá ê liōng-sim tī Sèng Sîn kap goá saⁿ-kap choè kan-chèng, ²goá ū toā iu-būn, thòng-sim bô soah. ³In-ūi goá ūi-tiòh goá ê hiaⁿ-tī, goá ê kut-jiók ê chì-chhin, chiū nā pún-sin siū chiū-chó· lī-khui Ki-tok iā kam-goān. ⁴In sī Í-sek-liát lāng, ū choè kiáⁿ ê bēng-hūn, ū ēng-kng, ū chiah ê iok, ū lút-hoat ê thoān-siū, ū hók-sāi ê lé-gī, kap chiah ê ēng-ún, lóng siók tī in; ⁵liát-chó· sī in ê chó·, chiàu jiók-thé lâi lūn, Ki-tok iā tui in chhut; I sī bān mih ê téng-bīn, sī Siōng-tè, kham-tit o-ló kàu tãi-tāi ê. À-bēng. ⁶M̄ sī kóng Siōng-tè ê oē hoè-khì; in-ūi tui Í-sek-liát chhut ê, bô it-chīn sī Í-sek-liát lāng. ⁷Iā m̄ sī in-ūi in choè A-pek-láh-hán ê hō·-è, chiū it-chīn choè kiáⁿ; tók-tók, Tī Í-sat ê beh chheng choè lí ê hō·-è. ⁸Che chiū-sī kóng, m̄ sī jiók-thé ê kiáⁿ chiū sng choè Siōng-tè ê kiáⁿ; tók-tók ēng-ún ê kiáⁿ chiah sng choè hō·-è. ⁹In-ūi ēng-ún ê oē sī kóng, Chiàu chit ê kī goá beh kàu, Sat-láh beh ū chit ê kiáⁿ. ¹⁰M̄ nā án-ni, koh ū Lī-pek-ka tui lán ê chó· Í-sat chit lāng lâi hoāi-m̄, ¹¹kiáⁿ iáu-bē chhut-si, hó pháiⁿ iáu-bē kiáⁿ, beh hō· Siōng-tè keng-soán lāng só· tiāⁿ-tiòh ê chí-ì oē kú-tng tī-teh, m̄ sī chhut tī só· kiáⁿ, sī chhut tī tiàu i ê, chiū ká Lī-pek-ka kóng, Toā-ê beh hók-sāi soè-ê. ¹³Chhin-chhiūⁿ só· kì-chài kóng, Goá thiàⁿ Ngá-kok, oàn-hūn Í-

sò.

¹⁴Án-ni lán beh cháiⁿ-iūⁿ kóng? Siōng-tè ū put-gī mah? Toàn-toàn m̄ sī. ¹⁵In-ūi I kā Mô-se kóng, Goá beh lín-bín goá só· lín-bín ê, goá beh thé-thiap goá só· thé-thiap ê. ¹⁶Chiàu án-ni khoàⁿ, put-chāi tī ì-ài ê, iā put-chāi tī kiāⁿ ê, sī chāi-tī lín-bín lāng ê Siōng-tè. ¹⁷In-ūi sèng-keng kā Hoat-ló kóng, Goá hō· lí heng-khí, tiâu-tī beh ēng lí hián-bēng goá ê koân-lēng, iā hō· goá ê miā pò-iōng tī phó· thiⁿ-ē. ¹⁸Án-ni I sūi-ì lín-bín lāng, iā sūi-ì hō· lāng ngī-sim.

¹⁹Lí beh tui goá kóng, Cháiⁿ-iūⁿ I iáu teh hiām lāng? in-ūi chī-chūi gèk I ê chí-ì? ²⁰Lí chit ê lāng ah, lí chī-chūi hoán-túg piān-pok Siōng-tè ah? Siū-chō ê mih kiám oē tui chō i ê kóng, Lí siáⁿ-sū chhòng-chō goá án-ni? ²¹Thō· ê koân kiám m̄ sī chhut-chāi sio-hui ê lāng, pīⁿ-pīⁿ tui hit tè lāi choè khi-kū, chit-ê kùì-khi chit-ê hā-chiān mah? ²²Siat-sú Siōng-tè ài hián-bēng I ê siū-khi, koh hō· lāng bat I ê koân-lēng, chiū toā-toā khoan-iōng thun-lún hiah ê thang siū-khi ê khi-kū, piān-piān beh pāi-hoāi ê; ²³iā hō· lāng bat I ēng-kng ê pù-ū kàu tī thang lín-bín ê khi-kū, I só· tãi-seng pī-pān beh tit-tiōh ēng-kng ê, ²⁴chiū-sī lán chiaⁿ-ê hō· I só· tiâu ê, m̄ nā chhut tī Iū-thài lāng, iā chhut tī goā-pang lāng; ²⁵chhin-chhiūⁿ I tī Hō-se ê chheh kóng, “M̄ sī goá ê peh-siⁿ, goá beh chheng in choè peh-siⁿ; M̄ sī tit-tiōh thiàⁿ ê, goá beh chheng in choè tit-tiōh thiàⁿ ê. ²⁶Chēng tī siáⁿ só·-chāi kā in kóng, Lín m̄ sī goá ê peh-siⁿ, Tī hia in beh chheng choè chin-oāh Siōng-tè ê kiáⁿ.” ²⁷Í-sài-a lūn Í-sek-liát chiū kiò kóng, Í-sek-liát chiaⁿ ê kiáⁿ, sui-jiān in ê siàu-giāh chhin-chhiūⁿ hái-soa, beh tit-tiōh kiū ê sī hiah ê só· chhun ê nā-tiāⁿ. ²⁸In-ūi Chú beh oân-choân

koh kán-chiát lāi chiāⁿ I ê oē tī toē-nih. ²⁹Koh chhin-chhiūⁿ Í-sài-a tãi-seng kóng, “Nā m̄ sī Bān-kun ê Chú kā lán lâu chit ê chéng teh, Chiū lán í-keng chhin-chhiūⁿ Só·-to-má kap Gô-mô·lāh chit iūⁿ.”

³⁰Án-ni lán beh cháiⁿ-iūⁿ kóng? Goā-pang lāng bô tui-jip gī, iáu-kú tit-tiōh gī, chiū-sī tui sìn ê gī. ³¹Nā-sī Í-sek-liát lāng tui-jip chiāⁿ gī ê hoat, iā bô tit-tiōh hit ê hoat. ³²Che sī cháiⁿ-iūⁿ? In-ūi in bô tui sìn, sī tui só· kiāⁿ. In tiōh-tak tī hit ê hō· lāng tiōh-tak ê chiōh, chiàu só· kì-chài kóng, “Lí khoàⁿ, goá chiong hō· lāng tiōh-tak ê chiōh, poah-tó lāng ê chiōh-poāⁿ, hē tī Sūn-siāⁿ. Kìⁿ-nā sìn I ê lāng bô tì-kàu kiàn-siàu.”

10 Hiaⁿ-tī ah, goá ê sim só· ì-ài, só· thoē in tui Siōng-tè kiū ê, chiū-sī in ê tit kiū. ²In-ūi goá ūi-tiōh in choè kan-chèng, in òng Siōng-tè ū jiát-sim, chóng-sī bô chiàu chin ê tì-sek. ³In-ūi in m̄ bat Siōng-tè ê gī, ài líp ka-kī ê gī, chiū bô hāng-hók Siōng-tè ê gī. ⁴In-ūi Ki-tok choè lút-hoat ê kiát-bé, tì-kàu gī kui tī kìⁿ-nā sìn ê lāng. ⁵In-ūi Mô-se siá kóng, Lāng kiāⁿ hit ê tui lút-hoat ê gī ê, beh tui i lāi oāh. ⁶Nā-sī tui sìn ê gī sī chhin-chhiūⁿ án-ni kóng, Lí bōh-tit sim-lāi kóng, Chī-chūi beh chiūⁿ thiⁿ ah? (chiū-sī beh chhoā Ki-tok lōh-lāi); ⁷á-sī, Chī-chūi beh lōh chhim-ian ah? (chiū-sī beh chhoā Ki-tok tui sí-lāng tiong khí-lāi). ⁸I tàu-tí kóng sím-mih ah? sī kóng Giân-gú sī kūn tī lí, sī tī lí ê chhui, tī lí ê sim, chiū-sī goán só· thoān chit ê sìn ê giân-gú; ⁹chiū-sī lí nā ēng chhui jīm Iā-so· choè Chú, ēng sim sìn Siōng-té hō· I tui sí-lāng tiong khí-lāi, chiū oē tit-tiōh kiū. ¹⁰In-ūi lāng ēng sim sìn, tì-kàu tit-tiōh gī; ēng chhui jīm, tì-kàu tit-tiōh kiū. ¹¹Sèng-keng kóng, Kìⁿ-nā sìn-khò I ê lāng put-tì kiàn-siàu. ¹²In-ūi Iū-thài

Hi-lī-nī lóng bô hun-piat; siāng chhit ê Chú sī cheng lāng ê Chú, khoán-thāi lóng-chóng kiū I ê lāng kék-kī hù-jū. ¹³In-ūi kìⁿ-nā kiū-kiò Chú ê miā ê lāng beh tit-tiòh kiū. ¹⁴Chóng-sī in só· iáu-bē sìn ê, tháit-thó oē kiū-kiò I? só· bē thiaⁿ-kìⁿ ê, tháit-thó oē sìn I? nā bô lāng thoân, tháit-thó oē thiaⁿ-kìⁿ? ¹⁵nā m̄ sī hōng-chhe, tháit-thó oē thoân? chiàu só· kì-chài kóng, Thoân chiaⁿ ê hó-sū ê hok-im ê, in ê kha-pō· súi kàu cháiⁿ-iūⁿ!

¹⁶Chóng-sī in m̄ sī lóng sūn-thàn hok-im. In-ūi Í-sài-a kóng, Chú ah, goán só· thoân ê, ū chī-chūi sìn ah? ¹⁷Án-ni sìn sī chhut tī thiaⁿ, thiaⁿ sī tùi Ki-tok ê giân-gú. ¹⁸Tòk-tók goá kóng, In kiám bē bat thiaⁿ-kìⁿ mah? Ū lah, “In ê siaⁿ-im thoân kàu pián thiⁿ-ē, In ê giân-gú kàu toē-kék.” Nā-sī goá kóng, Í-sek-liát lāng kiám bē chai mah? Khí-thâu Mô-se kóng, “Goá beh ēng m̄ sī choē peh-sìⁿ ê, lâi kek lín ê hùn-chì, Ēng gōng ê peh-sìⁿ lâi kek lín ê siū-khì.” ²⁰Í-sài-a iā hó-tán kóng, “Bē bat chhē goá ê, goá hō· in tú-tiòh, Bē bat chhéng-m̄ng goá ê, goá tùi in hián-bēng.” ²¹Nā-sī lūn-kàu Í-sek-liát i chiū kóng, Goá thong jīt chhun chhiú, òng m̄ sūn-thàn kap pián-pok ê peh-sìⁿ.

11 Goá chiū kóng, Siōng-tè kiám ū khi-sak I ê peh-sìⁿ ah? Toàn-toàn m̄ sī. In-ūi goá iā sī Í-sek-liát lāng, chhut tī A-pek-láh-hán ê hō·-è, Piān-ngá-bín ê chi-phài. ²Siōng-tè bē bat khi-sak I só· tãi-seng chai ê peh-sìⁿ. Á-sī lín m̄ chai sèng-keng tī Í-lī-a hit chām só· kì-chài ah? i ū cháiⁿ-iūⁿ tùi Siōng-tè kò Í-sek-liát lāng, ³kóng, Chú ah, in ū thài-sí lí ê sian-ti, kút-tó lí chiaⁿ ê chè-toāⁿ; chí ū lâu goá tī-teh, in iā beh tih goá ê siⁿ-miā. ⁴Chóng-sī Siōng-tè ū in i cháiⁿ-iūⁿ ah? sī kóng, Goá ūi-tiòh ka-kī ū lâu chhit-chheng lāng, bē bat kúi-pài Pa-lèk

ê. ⁵Hiān-kim iā án-ni iáu ū só· lâu-teh, chiū sī chiàu un-tián lâi keng-soán ê. ⁶Chóng-sī nā chiàu un-tián, chiū bô koh tùi só· kiāⁿ; nā bô, chiū un-tián m̄ sī un-tián. ⁷Án-ni chiū cháiⁿ-iūⁿ? Í-sek-liát só· kiū ê, i keng-jian bô tit-tiòh; tòk-tók siū-keng ê ū tit-tiòh, kī-ū ê chiū pìⁿ ngī-sim; ⁸chiàu só· kì-chài, kóng, Siōng-tè hō· in hun-bē ê sim, boē khoàⁿ-kìⁿ ê bák-chiu, boē thiaⁿ-kìⁿ ê hī-khang, kàu tī kin-á-jit. ⁹Tāi-pit iā kóng, “Hō· in ê iān-toh chiāⁿ choē oáh-tauh, choē lô-bāng, Choē that-gāi, choē pò-èng tī in; ¹⁰Hō· in ê bák-chiu hoe, boē oē khoàⁿ-kìⁿ, In ê ka-chiaⁿ siōng-siōng ku-ku.” ¹¹Án-ni goá chiū kóng, In í-keng tiòh-tak, sī tì-kàu in poáh-tó mah? Toàn-toàn m̄ sī. Hoán-túg tùi in ê hoān-choē, chín-kiū chiū kàu tī goā-pang, beh kek-khí in ê hùn-chì. ¹²Taⁿ in ê hoān-choē nā choē sè-kan ê pù-ū, in ê soe-thè nā choē goā-pang ê pù-ū, hô-hòng in ê chhiong-moá?

¹³Goá sī tùi lín goā-pang lāng kóng, In-ūi goá sī goā-pang lāng ê sù-tô·, goá ēng-kng goá ê chit; ¹⁴khoàⁿ oē thang kek-khí goá kut-jìok chhin ê hùn-chì, lâi kiū in tiong-kan kúi-nā lāng. ¹⁵In-ūi in ê siū khi-sak nā choē sè-kan ê koh hô, chiū in ê siū chiap-láp, m̄ sī tùi sí lâi oáh sī sím-mih ah? ¹⁶Khí-thâu hián ê mī nā sī sèng, chiū kui-sng iā sī sèng; kun nā sī snèg, chiū ki iā sī sèng. ¹⁷Chiaⁿ ê ki nā ū ê at-khí-lâi, iā lí pún sī soaⁿ kaⁿ-ná tit-tiòh chiap tī in tiong-kan, saⁿ-kap hūn tī kaⁿ-ná ê kun kap pui-chiap; ¹⁸lí chiū m̄ thang tùi ki lâi khoa-kháu; lí nā khoa-kháu, kú m̄ sī kun oá-khò lí, sī lí oá-khò kun. ¹⁹Án-ni lí beh kóng, Kì at-khí-lâi beh hō· goá chiap-lòh-lâi. ²⁰Tiòh; in tùi m̄ sìn chiaⁿ at-khí-lâi, lí tùi sìn chiaⁿ khiā-tiáu. ²¹Sim bók-tit chū-ko, tiòh kiaⁿ-hiāⁿ. in-ūi Siōng-tè nā bô pó-sioh sūn-

sèng ê ki, iā beh bô pó-sioh lí. ²²Tiòh khoàⁿ Siōng-tè ê chū-pi kap giâm-kín; khoán-thāi hiah ê poah-tó ê, sī giâm-kín; nā-sī khoán-thāi lí sī Siōng-tè ê chū-pi, chóng-sī lí tiòh tng-tng tiām-tī I ê chū-pi; nā bô, iā beh kā lí koah-khí-lai. ²³Koh in nā m̄ sī tng-tng tiām-tī m̄ sìn, iā beh tit-tiòh chiap; in-ūi Siōng-tè oē koh chiap in. ²⁴In-ūi lí nā tui hit ê sūn-sèng choē soaⁿ kaⁿ-ná ê kì-jiân koah-khí-lai, gèk-sèng lai chiap tī hó ê kaⁿ-ná, hô-hòng hiah ê sūn-sèng ê ki beh chiap tī pún kū ê kaⁿ-ná ah?

²⁵Hiaⁿ-tī ah, goá m̄ ài lín m̄ chai chit ê ò-biāu bián-tit lín ka-kī liāh-choē tì-hui; chiū-sī Í-sek-liát tiòng ū-ê chiāⁿ-choē ngī-sim, thèng-hāu goā-pang moá-moá chìn-jip; ²⁶án-ni thong Í-sek-liát beh lóng tit kiù, chiàu só· kì-chài kóng, “Beh ū Kiù-chú tui Sūn-siāⁿ chhut, Koé-tū Ngá-kok ê put-khiân; ²⁷Koh goá tū-khi in ê choē ê sī, Che chiū-sī goá kap in só· líp ê iok.” ²⁸Chiàu hok-im, chiū in ūi-tiòh lín lai choē kiū-siū; chiàu keng-soán, chiū in ūi-tiòh liát-chó· lai tit-tiòh thiàⁿ. ²⁹In-ūi Siōng-tè ê un-sù kap tiàu-lâng lóng bô thè-hoē. ³⁰Sī chhin-chhiūⁿ lín chēng bô sūn-hók Siōng-tè, nā-sī taⁿ tui in ê bô sūn-hók lín tit-tiòh lín-bín, ³¹án-ni in taⁿ bô sūn-hók, thang tui lín ê tit-tiòh lín-bín, hō· in iah tit-tiòh lín-bín. ³²In-ūi Siōng-tè í-keng ūi bān lāng tī bô sūn-hók ê tiòng-kan, tiâu-tī beh lín-bín bān lāng.

³³Chhim-tim ah! Siōng-tè ê tì-hui kap kiàn-sek ê pū-ū ah! I ê phoàⁿ-toàn boē chhek-tók-tit, I ê lō·-tō· tui-chhē boē tiòh. ³⁴Chī-chui chai Chú ê sim-chì? Chī-chui kap I chham-gī? chī-chui tãi-seng hō· I, tì-kàu hō· I pò-tap? ³⁵In-ūi bān mih lóng chhut tī I, óa-khò I, kui tī I. ³⁶Goān I êng-kng kàu tãi-tãi. À-

bēng.

12 Hiaⁿ-tī ah, só·-í goá in-ūi Siōng-tè ê lín-bín khng lín hiàn ka-kī ê seng-khu choē chè, sī oah ê, sèng ê, Siōng-tè só· hoaⁿ-hí ê; che sī lín sìn-lêng ê hók-sāi. ²Bôh-tit kap chit sè-kan siāng khoán; tiòh ēng sim-chì oaⁿ sin lai piàn-hoà ka-kī, hō· lín oē bēng-pék sím-mih sī Siōng-tè siān-liông, thang hoaⁿ-hí, sūn-choân ê chí-ì.

³In-ūi goá tui só· hō· goá ê un kā lín tiòng-kan ták lāng kóng, lín só· siūⁿ lai chhún-tók ka-kī, m̄ thang poāⁿ-kè tī eng-kai siūⁿ ê; só· siūⁿ tiòh an-hūn lai siūⁿ, chiàu Siōng-tè só· siūⁿ-sù ták lāng sìn ê hūn-liông. ⁴In-ūi chhin-chhiūⁿ lán chit sìn ū pah-thé, nā-sī pah-thé ê kong-iông bô lóng saⁿ-tāng; ⁵án-ni lán choē-choē lāng tiām-tī Ki-tok choē chit sìn, ták ê saⁿ-kāng choē thé. ⁶Lán chiàu só· hō· lán ê un, í-keng tit-tiòh un-sù, kok bô saⁿ-tāng; hék-sī choē sian-ti, chiū tiòh chiàu sìn ê hūn-liông lai kóng; ⁷hék-sī pān tãi-chì, tiòh tì-ì tī pān tãi-chì; ⁸hék-sī kà-sī lāng ê, tiòh tì-ì tī kà-sī; hék-sī khoán-bián ê, tiòh tì-ì tī khoán-bián; chiu-chō· ê, tiòh ēng sít-sim; tī-lí ê, tiòh ēng un-khūn; lín-bín ê, tiòh ēng hoaⁿ-hí. ⁹Thiàⁿ, tiòh bô ké; oàn-hūn pháiⁿ, chhin-kūn hó; ¹⁰thiàⁿ hiaⁿ-tī, tiòh saⁿ chhin-ài; keng-tiông lāng, tiòh saⁿ chhui-chun; ¹¹lūn un-khūn, m̄ thang pín-toāⁿ; lūn sim-chì, tiòh jiát-jiát; lūn Chú, tiòh hók-sāi; ¹²tī òng-bāng tiòh hoaⁿ-hí; tī hoān-lān tiòh thun-lún; tī kī-tó, tiòh siông-siông; ¹³sèng-tō· só· khiām-kheh ê, chiū kiong-kip i; chhut-goā lāng, tiòh tì-ì hó khoán-thāi in. ¹⁴Khún-tiòk lín ê, tiòh kā in chiok-hok; tiòh chiok-hok, bóh-tit chiù-chó·. ¹⁵Kap hoaⁿ-hí ê lāng saⁿ-kap hoaⁿ-hí; kap thí-khàu ê lāng saⁿ-kap thí-khàu. ¹⁶Saⁿ khoán-thāi, tiòh tâng chit iūⁿ ê sim; sim-

chì bôh-tit hòⁿ-ko; tiòh chhek-chiū pi-bí ê; bôh-tit liáh ka-kī choè ū tì-sek. ¹⁷Bôh-tit ēng pháiⁿ pò pháiⁿ; tī cheng lāng ê bīn-cheng, tiòh tô·bô· chiaⁿ ê hó-sū. ¹⁸Nā oē tit thang kap cheng lāng hô, chiū tiòh chīn-lát kap in hô. ¹⁹Só· thiàⁿ ê hiaⁿ-tī ah, bôh-tit ka-kī sin-oan, tiòh lún-khì, khah hó; in-ūi ū kì-chài kóng, Chú kóng, Sin-oan chāi-tī goá, goá beh pò-èng i. ²⁰Nā sī lí ê tui-ték iau, tiòh hô· i chiaⁿ; chhui-ta, tiòh hô· i lim; in-ūi kiāⁿ án-ni sī chiong jiát-jiát ê hé-thoàⁿ thiáp tī i ê thau-khak téng. ²¹Bôh-tit hô· pháiⁿ khah-iāⁿ, tiòh ēng hó khah-iāⁿ pháiⁿ.

13 Ták lāng tiòh hāng-hók tī choè sī-toā ū koān-pèng ê; in-ūi kìⁿ ū koān-pèng bô m̄ sī tui Siōng-tè chhut; só· ū ê koān-pèng lóng sī Siōng-tè só· tiāⁿ-tiòh. ²Só·-í không-kū koān-pèng ê sī gèk Siōng-tè ê bēng-lēng; gèk ê lāng ka-kī chhú choē. ³In-ūi iú-si m̄ sī hô· hó phín hēng ê kiaⁿ, sī hô· pháiⁿ lāng kiaⁿ. Lí ài bián kiaⁿ hit ê koān-pèng mah? tiòh kiāⁿ hó, chiū tit-tiòh i ê o-ló; ⁴in-ūi i sī Siōng-tè chhe-ēng, beh lī-ek lí. Nā-sī lí kiāⁿ pháiⁿ, chiū tiòh kiaⁿ; in-ūi i m̄ sī khang-khang koà kiām; i sī Siōng-tè ê chhe-ēng, sī sin-oan ê, beh hô· pháiⁿ lāng tú-tiòh hēng-hoat. ⁵Só·-í tek-khak tiòh sūn-hók, m̄ nā ūi-tiòh siū-khì, iā sī ūi-tiòh lōng-sim. ⁶In-ūi án-ni lín iā lap sè; in-ūi in sī Siōng-tè ê chip-sū siōng-siōng choan-bū chit ê sū. ⁷Só· eng-kai hô· cheng lāng ê, tiòh hô· in; eng-kai lap i, tiòh lap i; eng-kai thiu hô· i, tiòh thiu hô· i; eng-kai kiaⁿ-ùi i, tiòh kiaⁿ-ùi i; eng-kai chun-keng i, tiòh chun-keng i.

⁸Bôh-tit khiām lāng sím-mih, chí ū saⁿ-thiàⁿ iáu sī khiām lāng; in-ūi thiàⁿ lāng ê ū chīn lút-hoat. ⁹In-ūi só· kóng, M̄ thang kiāⁿ-im, M̄ thang thāi lāng, M̄ thang thau-théh, M̄ thang tham-sim, á-sī pát tiâu kài,

lóng pau-hām tī chit kù, Tiòh thiàⁿ chhù-piⁿ chhin-chhiūⁿ ka-kī. ¹⁰Jîn-ài bô hāi-tiòh chhù-piⁿ; só·-í jîn-ài sī chīn lút-hoat.

¹¹Án-ni-siⁿ chai chit ê sī-hāu chiū-sī lín í-keng tiòh khùn-chhiⁿ ê sī; in-ūi lán tit-tiòh kiū, pí khí-thau sìn ê sī khah kùn. ¹²Mi beh kè, jít-sī kùn lah; só·-í lán tiòh theng-khì o-àm ê só· kiāⁿ, lāi chhēng kng-bēng ê chiàn-kah. ¹³Só· kiāⁿ tiòh toan-chiàⁿ, chhin-chhiūⁿ tī jít-sī; bôh-tit hōng-chhiōng chiú-chui, bôh-tit hòⁿ-sek siā-im, bôh-tit saⁿ-chiⁿ oàn-tò. ¹⁴Tiòh chhēng Chú Iā-so· Ki-tok, bôh-tit ūi-tiòh jiók-thé tô·bô, tì-kau thàn su-iók.

14 Sìn nóg-chiáⁿ ê lāng, lín tiòh chiap-lap i; m̄ sī beh piān-lūn só· giâu-gi ê. ²Ū lāng sìn pah hāng mih lóng thang chiaⁿ; tók-tók sìn nóg-chiáⁿ ê sī chiaⁿ chhài-soe. ³Chiaⁿ-ê bôh-tit khoàⁿ-khin bô chiaⁿ-ê; bô chiaⁿ-ê bôh-tit gí-gi chiaⁿ-ê; in-ūi Siōng-tè í-keng chiap-lap i. ⁴Lí sī chí-chui teh gí-gi pát lāng ê lô·pók ah? i khiā-chāi á-sī poah-tó, chū-jian ū i ê chú-lāng tī-teh. Nā-sī i beh khiā-chāi, in-ūi Chú oē hô· i khiā-chāi. ⁵Ū lāng gí-toàn chit jít iāⁿ hit jít; ū lāng gí-toàn jít-jít lóng saⁿ-tāng; ták lāng sim-lāi tiòh jīm khi chin. ⁶Siú jít ê sī ūi-tiòh Chú lāi siú; chiaⁿ-ê ūi-tiòh Chú lāi chiaⁿ, in-ūi i kám-siā Siōng-tè; bô chiaⁿ-ê iā ūi-tiòh Chú lāi bô chiaⁿ, iā kám-siā Siōng-tè. ⁷In-ūi lán bô lāng ūi-tiòh ka-kī lāi oáh, iā bô lāng ūi-tiòh ka-kī lāi sí. ⁸In-ūi lán nā oáh, sī ūi-tiòh Chú lāi oáh; sí, iā sī ūi-tiòh Chú lāi sí; só·-í lán, hék-sī oáh hék-sī sí, lóng siók tī Chú. ⁹In-ūi Ki-tok só·-í sí lāi koh-oáh, sī beh choè oáh-ê sí-ê ê chú. Taⁿ lí siáⁿ-sū gí-gi lí ê hiaⁿ-tī? iā lí siáⁿ-sū khoàⁿ-khin lí ê hiaⁿ-tī? In-ūi lán cheng lāng lóng beh khiā tī Siōng-tè kong-chō cheng. ¹¹In-ūi ū kì-chài kóng, “Chú kóng, Goá kì-jian sī oáh ê, bān kha-thau-u

beh kūi goá, Bān chhui-chhi beh o-ló Siōng-tè.”¹² Án-ni lán ták lāng beh pāi-liát ka-kī ê sū tī Siōng-tè ê bīn-chēng.

¹³Só-í lán bōh-tit koh saⁿ gí-gī; lín lēng-khó· tióh tiāⁿ-tióh ì-sù bōh-tit ēng hō· lāng poáh-tó á-sī that-gāi ê mih hē tī hiaⁿ-tī ê bīn-chēng. ¹⁴Goá chai, iā tī Chú Iā-so· chhim-sìn, mih pún bô chit hāng sī chho·-siók; tók-tók lāng nā liáh sím-mih choè chho·-siók, chiū hit hāng mih tī hit lāng sī choè chho·-siók. ¹⁵Chóng-sī nā ūi-tiòh chiáh-mih ê sū hō· lí ê hiaⁿ-tī iu-būn, chiū lí m̄ sī chiàu jīn-ài lái kiāⁿ. Ki-tok thoè i sí ê, lí m̄ thang ēng lí ê só· chiáh lái pāi-hoài i. ¹⁶Bōh-tit tì-kàu lí ê hó hō· lāng húi-pòng. ¹⁷In-ūi Siōng-tè ê kok put-chāi lim-chiáh; sī gī, kap pēng-an, kap tī Sèng Sîn ê hoaⁿ-hí. ¹⁸Ēng án-ni lái hók-sāi Ki-tok ê, hō· Siōng-tè só· hoaⁿ-hí, hō· lāng só· o-ló. ¹⁹Só-í kīⁿ-nā tì-kàu hô-pēng, tãi-ke saⁿ kiàn-lip ê sū, lán tióh choan-bū. ²⁰Bōh-tit in-ūi chiáh ê iân-kò· húi-hoài Siōng-tè ê kang. Tá·k hāng mih khiok sī chheng-khi; nā-sī tui chiáh tì-kàu poáh-tó ê, chiū-sī pháiⁿ. ²¹Bô chiáh bah, bô lim chiú, bô choè sím-mih hō· hiaⁿ-tī poáh-tó, chiaⁿ sī hó. ²²Lí só· ū ê sìn tióh ka-kī chūn tī Siōng-tè ê bīn-chēng. Lāng bô ka-kī gí-gī tī i só· jīn choè tióh ê, chiū ū hok-khi. ²³Tók-tók lāng nā giâu-gī iā lái chiáh, chiū siū tēng-choē, in-ūi m̄ sī chhut tī sìn; kīⁿ-nā m̄ sī tui sìn chhut-ê chiū-sī choē.

15 Lán chiaⁿ ê oē ê lāng eng-kai tióh tam-tài boē ê lāng ê loán-jiók, m̄ thang kiú ka-kī ê hoaⁿ-hí. ²Lán ták lāng tióh hō· chh-piⁿ hoaⁿ-hí, hō· in tit-tiòh hó lái kiàn-lip. ³In-ūi Ki-tok iā bô kiú ka-kī ê hoaⁿ-hí, chiū-sī chiàu só· kì-chài kóng, Lāng loé-mē lí ê loé-mē ū kàu tī goá. ⁴In-ūi chá só· kì-chài ê, lóng sī beh kà-sī lán, chiaⁿ lái kì; hō· lán tui thun-lún, tui

sēng-keng ê an-ùi, lái tit-tiòh òng-bāng. ⁵Goān siúⁿ-sù thun-lún an-ùi ê Siōng-tè hō· lín tãi-ke tang sim-chì chiàu Ki-tok Iā-so·, ⁶hō· lín chit iūⁿ sim chit iūⁿ chhui ēng-kng Siōng-tè, chiū-sī lán ê Chú Iā-so· Ki-tok ê Pē. ⁷Só-í tióh saⁿ chiap-láp, chhin-chhiūⁿ Ki-tok iā ū chiap-láp lín, tì-kàu ēng-kng kui tī Siōng-tè. ⁸In-ūi goá kóng, Ki-tok ūi-tiòh Siōng-tè ê chin-sit bat choè hōng kat-lé ê lāng ê chhe-ēng, beh kian-kò· só· ēng-ún liát-chó· ê; ⁹iā hō· goā-pang lāng ūi-tiòh lín-bín kui ēng-kng Siōng-tè, chiàu só· kì-chài, kóng, “In-ūi án-ni goá tī goā-pang tiong beh chheng-ho· lí, Chhiūⁿ koa o-ló lí ê miá.” ¹⁰Koh kóng, “Lín goā-pang lāng, tióh kap I ê peh-siⁿ tang hoaⁿ-hí.” ¹¹Iū-koh kóng, “Lín chēng goā-pang tióh chheng-chàn Chú, Lín bān peh-siⁿ tióh o-ló I.” ¹²Iū-koh Í-sài-a kóng, “Beh ū Iā-se ê kun-thâu, Kap heng-khi lái tī-lí goā-pang ê, Goā-pang beh óa-khò I lái ū òng-bāng.” ¹³Goān siúⁿ-sù òng-bāng ê Siōng-tè hō· lín tui sìn lái chhiong-moá ták iūⁿ ê hoaⁿ-hí pēng-an; hō· lín tī Sèng Sîn ê koān-lēng tit-tiòh moá-moá ê òng-bāng.

¹⁴Goá ê hiaⁿ-tī ah, goá ka-kī iā chhim sìn lín moá-moá siān-liông, chhiong-chiok ták iūⁿ ê tì-sek, iā oē tãi-ke saⁿ khoàn-bián. ¹⁵Chóng-sī goá siá phoe hō· lín, ū tām-pòh khah hó-táⁿ, beh hō· lín koh oē kì-tit; che sī tui Siōng-tè só· hō· goá ê un-tián, ¹⁶hō· goá tī goā-pang choè Ki-tok Iā-so· ê chip-sū, ēng Siōng-tè ê hok-im lái hók-sāi, beh hō· só· hián ê goā-pang lāng, tī Sèng Sîn chiāⁿ-sēng ê tit-tiòh chiap-láp. ¹⁷Só-í lūn Siōng-tè ê sū, goá tī Ki-tok Iā-so· ū thang khoa-kháu. ¹⁸In-ūi tú Ki-tok ēng goá só· kiāⁿ ê í-goā, goá m̄ káⁿ kóng sím-mih; chí ū kóng I ēng goá ê giân-gú kap kiāⁿ-choè, tī sîn-jiah kap kī-sū ê koān-lēng, kap tī

Sèng Sîn ê koân-lêng, hō· goā-pang sūn-hók; án-ni goá tùi Iâ-lō·-sat-léng séh kàu Í-lī-lí-kó·, piàn thoân Ki-tok ê hok im. ²⁰Koh goá lîp-chì thoân hok-im bô tī Ki-tok í-keng siū chheng-ho· ê só·-chāi, kiaⁿ-liáu khí tī pát lāng ê toē-ki téng; ²¹chiū-sī chiàu só· kì-chài kóng, “Bē tit-tiòh I ê siau-sit ê beh khoàⁿ-kìⁿ, Bē thiaⁿ-kìⁿ ê beh hiáu-ngō·.”

²²In-ūi án-ni goá choē-choē pái tú-tiòh chók-tòng, boē tit thang chiū-kūn lín; ²³nā-sī hiān-kim tī chia^h ê toē-hng bô koh ū só·-chāi thang khi, í-keng choē-choē nī ū him-bō· beh chiū-kūn lín; ²⁴thèng-hāu goá khi Sū-pan-ngá ê sí, (in-ūi goá òng-bāng keng-kè ê sí kìⁿ-tiòh lín, tãi-seng kap lín kau-poē liòh-liòh-á moá-ì, āu-lāi tit-tiòh lín sòng-hēng khi hia); ²⁵chóng-sī hiān-chāi goá khi Iâ-lō·-sat-léng kiong-kip sèng-tô·. ²⁶In-ūi Má-kī-tùn A-kai-a lāng hoaⁿ-hí saⁿ-kap toē-iān pang-chān Iâ-lō·-sat-léng sèng-tô· tiòng ê sòng-hiong lāng. ²⁷In chin-chiàⁿ sī hoaⁿ-hí; khiok iā sī khiām in ê chè. In-ūi goā-pang lāng kì-jiān saⁿ-kap ū hūn tī in sîn-lêng ê sū, chū-jiān tiòh ēng jiòk-thé ê mih hók-sāi in. ²⁸Thèng-hāu goá choē oân chit ê sū, chiong chit ê iān-hāng kau-hù in bēng-pék, goá beh tùi lín hia khi Sū-pan-ngá. ²⁹Goá iā chai chiū-kūn lín ê sí, beh ū Ki-tok hong-sēng ê chiok-hok sūn-soà khi.

³⁰Hiaⁿ-tī ah, goá tùi lán ê Chú Iâ-so· Ki-tok, iā tùi Sèng Sîn ê thiàⁿ, khng lín kap goá tâng chīn-lát, thoē goá kī-kiū Siōng-tè, ³¹kiù goá thoat-lī Iū-thài toē hiah ê m̄ sūn-hók ê lāng, iā hō· goá ūi-tiòh Iâ-lō·-sat-léng só· choē kiong-kip ê sū tit-tiòh sèng-tô· chiap-láp; ³²hō· goá tùi Siōng-tè ê chí-ì kàu lín hia ū hoaⁿ-hí, iā kap lín saⁿ-kap tit-tiòh an-hioh. ³³Goān siúⁿ-sù pēng-an ê Siōng-tè kap lín cheng lāng tī-teh: Ā-bēng.

16 Goá tùi lín kú-chiàn lán ê chí-bē Hui-pí, chiū-sī Kian-kek-lí kàu-hoē ê chhe-ēng; ²hō· lín ūi-tiòh Chú chiap-thāi i chiàu sèng-tô· só· háp-gí, i ū khiām-ēng lín pang-chān ê, chiū pang-chān i; in-ūi i bat hū-chō· choē-choē lāng, iā bat hū-chō· goá.

³Chhéng-an Pek-ki-lah, A-ku-lah, tī Ki-tok Iâ-so· kap goá tâng tiòh-boā ê, ⁴iā ūi-tiòh goá ê sìⁿ-miā bat phe-sí; m̄ nā goá kám-siā in, chiū goā-pang ê cheng kàu-hoē iā sī án-ni. ⁵Koh chhéng-an chū-chíp tī i ê ke ê kàu-hoē. Chhéng-an goá só· thiàⁿ ê Í-pài-ni-thó·, i sī A-se-a thâu chit ê siók Ki-tok ê. ⁶Chhéng-an Má-lī-a, i bat ūi-tiòh lín choē-choē tiòh-boā. ⁷Chhéng-an goá ê chhin-chhek An-to-ni-kó·, Iū-ni-a; in bat kap goá tâng koaiⁿ-kaⁿ, ū miā-siaⁿ tī sù-tô· tiòng, koh tãi-seng goá tiām tī Ki-tok. ⁸Chhéng-an Ām-pek-lī, tiām-tī Chú hō· goá só· thiàⁿ ê. ⁹Chhéng-an tī Ki-tok kap goá tâng tiòh-boā ê Ní-pa-lô·, í-kip goá só· thiàⁿ ê Sū-tāi-kó·. Chhéng-an Ap-lī, tī Ki-tok ū keng-giām ê. ¹⁰Chhéng-an A-lí-to-pò· ke-lāi ê lāng. ¹¹Chhéng-an goá ê chhin-chhek Hi-lô-thian. Chhéng-an Ná-kí-sò· ke-lāi tiām-tī Chú ê lāng. ¹²Chhéng-an tī Chú teh tiòh-boā ê Thó·hui-ná, Thó·hù-sat. Chhéng-an só· thiàⁿ ê Pí-sek, bat tī Chú choē-choē tiòh-boā ê. ¹³Chhéng-an tī Chú tit-tiòh keng-soán ê Ló·hu, kap i ê lâu-bú, iā sī goá ê lâu-bú. ¹⁴Chhéng-an A-sùn-kí-thó·, Hut-lék-kan, Hek-bí, Pat-lô-pa, Hek-má, í-kip kap in tī-teh ê hiaⁿ-tī. ¹⁵Chhéng-an Hui-lô-lô-kó· kap Iū-lī-a, Nī-lī-a kap i ê chí-bē, kap O-lim-pa, í-kip kap in tī-teh ê cheng sèng-tô·. ¹⁶Lín tiòh ēng sèng ê saⁿ-chim tãi-ke saⁿ chhéng-an. Ki-tok ê cheng kàu-hoē chhéng-an lín.

¹⁷Hiaⁿ-tī ah, goá khng lín tiòh séng-chhat hiah ê hun-tóng that-gāi ê, chiū-sī poē lín só·

hák-síp ê kà-sī ê; koh tióh siám-pī in. ¹⁸In-ūi chit hō lāng bô hók-sāi lán ê Chú Ki-tok, sī hók-sāi ka-kī ê pak-tók; ēng in ê kī-khá thiám-mī ê oē bê-hék cheng-tit ê lāng ê sim. ¹⁹In-ūi lín ê sūn-hók í-keng piàn thoân tī cheng lāng. Sók-í goá ūi-tióh lín hoaⁿ-hí; tók-tók lūn-kàu hó sū, goá ài lín ū tì-sek, lūn-kàu pháiⁿ sū, chiū ài lín chheng-pék. ²⁰Siúⁿ-sù pêng-an ê Siōng-tè beh kín-kín tǎh-chhùi Sat-tàn tī lín ê kha-ē. Goān lán ê Chú Iâ-so· Ki-tok ê un kap lín tī-teh.

²¹Kap goá tâng tióh-boā ê Thê-mô-thài, í-kíp goá ê chhin-chhek Lō·kiū, Iâ-sun, Sók-se-pá-tek chheng-an lín. ²²Goá Tek-tiu, chiū-sī siá chit tiuⁿ phoe ê, tī Chú chheng-an lín. ²³Goá kap choân kàu-hoē éng hioh i tau ê Ka-iū chheng-an lín. Siāⁿ-lāi koán khò-pāng ê Í-lah-to· kap hiaⁿ-tī Koat-thó· chheng-an lín.

²⁵Siōng-tè oē kian-kò· lín chiàu goá ê hok-im, kap só· soan-thoân Iâ-so· Ki-tok ê sū, iā chiàu éng sè-tāi só· ún-bát ò-biāu ê chhián-bêng, ²⁶chit ê ò-biāu chit tiáp ū tù-hiān, iā tui sian-ti ê chheh, chiàu éng-oán Siōng-tè ê bêng-lêng lái chí-sī bān pang, hō· in tui sìn lái sūn-thàn; ²⁷goān êng-kng tui Iâ-so· Ki-tok kui tī tók-it ū tì-hui ê Siōng-tè, tǎi-tǎi bô soah. À-bêng.